



Sarajevo, 15.05.2023. godine

**BOSNA I HERCEGOVINA**  
**VIJEĆE MINISTARA BOSNE I HERCEGOVINE**  
Trg Bosne i Hercegovine broj 1  
**71 000 SARAJEVO**



- n/r predsjedavajuće gospođe Krišto Borjane;
- n/r zamjenika predsjedavajućeg, gospodina Helez Zukana, ministra odbrane Bosne i Hercegovine,
- n/r zamjenika predsjedavajućeg, gospodina Tegeltija Zorana, ministra finansija i trezora Bosne i Hercegovine;
- n/r ministra vanjskih poslova Bosne i Hercegovine, gospodina Konaković Elmedina;
- n/r ministra sigurnosti Bosne i Hercegovine, gospodina Nešić Nenada,
- n/r ministra pravde Bosne i Hercegovine, gospodina Bunoza Davora;
- n/r ministra prometa i komunikacija Bosne i Hercegovine, gospodina Forto Edina;
- n/r ministra vanjske trgovine i ekonomskih odnosa Bosne i Hercegovine, gospodina Košarac Staše;
- n/r ministra za ljudska prava i izbjeglice Bosne i Hercegovine, gospodina Hurtić Sevlida;
- n/r ministrice za civilne poslove Bosne i Hercegovine, gospođe Bošnjak Dubravke;
- n/r generalnog sekretara, gospodina Vidović Roberta;

**PREDMET:** Odluka o visini dnevnica za službena putovanja zaposlenim u Institucijama Bosne i Hercegovine i Odluka o načinu i postupku ostvarivanja prava uposlenih u institucijama Bosne i Hercegovine na naknadu za službeno putovanje, izmjene, *tražimo,-*

Poštovani,

Odlukom o visini dnevnica za službena putovanja zaposlenim u Institucijama Bosne i Hercegovine, „Službeni glasnik BiH“ broj 6/12, visina dnevnice za službena putovanja u Bosni i Hercegovini je smanjena na 25,00 KM i ista nije korigovana prethodnih 11 godina.

Imajući u vidu da ista u smislu odredbe člana 4. stav (1) Odluke o načinu i postupku ostvarivanja prava uposlenih u institucijama Bosne i Hercegovine na naknadu za službeno putovanje podrazumijeva naknadu za ishranu na službenom putu a da pri tome u smislu člana 12. iste Odluke uposleni koji je upućen na službeni put, za vrijeme trajanja istog, nema pravo na naknadu po osnovu

prekovremenog rada, rada u neradne dane, noćnog rada, rada nedjeljom i rada u dane državnog praznika kao ni naknadu za ishranu tokom rada ni naknadu za odvojen život smatramo da ista ugrožava prava uposlenih obzirom da su u slučaju upućivanja na službeni put sa iznosom dnevnice od 25,00 KM oštećeni obzirom da primaju mnogo manji iznos sredstava od iznosa koji bi primili da nisu bili na službenom putu a istovremeno su ostvarili veći broj radnih sati.

S tim u vezi, **tražimo hitnu izmjenju člana 1. Odluke o visini dnevnica za službena putovanja zaposlenim u Institucijama Bosne i Hercegovine** u smislu da se umjesto 25,00 KM utvrdi dnevica za službeno putovanje u iznosu od 60,00 KM.

Također, obzirom da se u skladu sa članom 2. Odluke o načinu i postupku ostvarivanja prava uposlenih u institucijama Bosne i Hercegovine na naknadu za službeno putovanje, pod službenim putem podrazumijeva putovanje na teritoriji Bosne i Hercegovine, kao i putovanje u inozemstvo, na koje se uposelni u instituciji upućuje radi izvršavanja službenog zadatka, pod uvjetom da je mjesto na koje se uposleni upućuje udaljeno od mjesta rada više od 50 kilometara, sve operativne aktivnosti policijskih službenika i službenika Uprave za indirektno oporezivanje Bosne i Hercegovine trenutno se tretira kao službeno putovanje, pa tako između ostalog i provođenje posebnih istražnih radnji po naredbi nadležnih sudova „nadzor i tehničko snimanje“ a zatim i pretresanje, lišenje slobode, operativni nadzor granice i slično u okviru kojih policijski službenici i službenici UIO BiH nerijetko na terenu provode i po 24 sata poduzimajući mjere i radnje tokom cijelog puta čime su zbog primjene člana 12. predmetne Odluke znatno oštećeni a predmetna Odluka obesmišljena.

Iz navedenih razloga tražimo da se izmijeni **Odluka o načinu i postupku ostvarivanja prava uposlenih u institucijama Bosne i Hercegovine na naknadu za službeno putovanje** na način da se različito definišu „službeno putovanje“ i „operativni rad“, te da se policijski službenici i službenici UIO BiH tokom obavljanja operativnih aktivnosti izuzmu od primjene člana 12. (Ograničenje kumuliranja naknada) iste Odluke.

S poštovanjem,

**SSPO u BiH**

**Dragan Krvavac**

*predsjednik*



**SUINO**

**Ana Mrnjavac**

*predsjednica*



**SDSZ BiH**

**Radenko Mirković**

*predsjednik*

